

(...)

Testament, Rogier,

Au nom de dieu soïct que l an mil
six cens cinquante deux et le **dix huictiesme** jour
du mois de **septembre** apres midy regnant tres chrestien
prince louis quatorze du nom par la grace de
dieu roy de france et dé navarre, dans la maison
du testateur cy apres nommé size dans l enclos
de **villemur** et **rue droicte de porte saint jean**

.....
C iiiii.^{xx} iiiii.

Au dioceze bas montauban et sen(echau)cee de th(ou)l(ous)e pardevant
moy no(tai)re a este en personne **pierre rogier maistre**
cellier dudict villemur, lequel gisant dans un lict
a la salle de ladicte maison respondant a la rue dettenu
de certaine maladie corporelle toutesfois dieu graces
bien voiant et oyant parlant et estant en ses bons
sens jugement memoire et cognoissance ainsy qu'a
appareu considerant n()y avoir rien de plus certain
que la mort ny de plus incertain que l()heure non
induit ny suborné de personne comma a déclaré
mais de son bon gré et siance certaine a faict et ordonné
son testament nuncupatifz en la forme suivante
et premierement a recomandé son ame a dieu
pere filz et saint (e)sprit & supplié icelluy de bon
coeur, qu()il lui plaize de luy pardonner toutes ses
fautes et pechés & vouloir colloquer son ame en
son paradis celeste pour l()amour de son tres cher et
bien aymé filz nostre seigneur jesus christ & par
l intercession de la glorieuse vierge marie saintz et
saintes de paradis, a vouleu & ordonné veut et
ordonne lé testateur apres qué son ame sera separee
de son corps qu()icelluy soïct ensepvely au **simitiere**
saint jean dudict villemur selon l()ordre observé en
la relligion catholique appostoliue et()romaine dont
il fait profession, remettant ses honneurs funebres
a la discretion de ses enfans et heretiers universelz

.....
cy apres, nommés, sy a()donné et legué donne et
legue ledict testateur a **jeanne et anne rogieres**
sœurs **sés filhes** légitimes naturelles **et de marie** de
vaissier sa femme et a()chacune d'elles la somme de
cent livres t(ournoi)z une robe de raze couleur de pourpre
a leur uzage, un lict garni de coitte coissin remplis
suffizament de plume et quatre linseulz thoile
de chamvre paiable l'ors qu()elles seront colloqués
en mariage, & ce moyennant il les a faictes

et()institués ses heretieres particulieres a cé
qué ne puissent rien plus prethendre ny
démander sur ses biens et heréditté pour
quelque cause droict et raison que cé soict, &
jusqu'à lors veut et entend ledict testateur qu é
sés dictes filhés soient nourries et entretenues
selon leur condition sur son hereditté a la charge
par elles de travailler de tout leur possible
au proffict d()icelle, item a dict et déclaré ledict
testateur ne vouloir faire aucuns autres
legatz, mais en tous et checuns ses autres
biens, meubles, immeubles, noms, droictz voix
et actions presans et advenir ou qué soient
sittues et en quoy que concistent, a faictz
institués et de sa propre bouche nommés

..... ;

C iiii.^{xx} xv.

Sés héretiers universelz et generaux, assavoir
est, **jean, michel, et estienne rougiérs freres
ses enfans** legitimes et naturelz et de la susdicte
marie de vaissier sa femme, pour par sesdictz
enfans soudain après que tous trois auront
atteint l'aage de vingt cinq ans & non plustost,
partir et diviser en trois lotz et portions esgalles
et checun de la sienne jouir faire et dispozer
a ses plaisirs et volontes, bien veut entend
et ordonne ledict testateur qué ledict **jean son
filz ayne** ayt la jouissance de la boutique
de cellier dépendant de ladicte maison jusqués
au temps dudict partage & que lhors elle
luy dem(e)ure en propriété, a la charge d'en
précomptér la valeur sur la portion hereditaire,
et par cé que **ledict estienne est en bas aage**
et pupillaritté icelluy testateur luy a pourveu
de tutrice et administrasse legitime la susdicte
marie dé vaissier sa mere, a laquelle il
a donné et donne plaine puissance de regir
et administrer sa personne et biens jusqu'à ce
qu()il aura atteint l'aage de vingt cinq ans

.....

voulant et ordonnant de lus ledict testateur
que sadicte femme soict nourrie et entretenue
sur sadicte héreditté selon sa condition
et()portée de sés biens tant qu'elle dem(e)urera
vefve soubz son nom, tiendra vie viduelle
et honneste, & né repettera ses cas dottaux
comm aussi a vouleu et ordonné veut
et ordonne le testateur qu'en cas l'un ou l autre
desdictz jean, michel et estienne rogiérs
freres ses enfans viendroict a deceder avant
le susdict aage de vingt cinq ans, sans enfans
procréés de legitime mariage ou sans faire

téſtament, qu'audict cas la portion du decedé
ou decedés en ladict forme, vienne et appartienne
de plain droict sans aucune distraction au
ſurvivant ou ſurvivans quy ſéront lors
auquel effect et cas les a ſubſtitués et ſubſtitue
de l'un a l'autre et tel a dict ledict rogie
eſtre ſon teſtament que veut qué vailhe
et ſoict valable par droict de teſtament ou de
codicille, ou de donation faicte a cauze de
mort ou diſpoſition de dernière volonté
& par tout autre droict uz et couſtume qué

.....
C iiii.^{xx} xvi/

mieux pourra valoir revoquant et annullant
tous ſes autres precedans teſtamens et affin qué
celluy cy ſoict efficace et ne puiſſe eſtre revoqué
en doubte a()priés lés teſmoins cy apres nommés
par luy faictz appeler et recognus d en eſtre
memoratifz & requis moi dict no(tai)re d en rettenir
instrument, **cé qu'ay faict en preſance**
de jean calhaſſou bourgeois, m(aîtr)es pol bousquet
george ratier praticiens, berenguier berenguier
marchant, pierre laferriere maistre ſarger
philibert lacheze maistre tailheur d'habitz
& jean bonneville ſerruriér de villemur
deſquelz leſdictz calhaſſou, bousquet ratier
et berenguier ont ſigné avec moi no(tai)re leſdictz
]teſtateur[laferriere, lacheze et bonneville ont declaré
né ſçavoir t ledict teſtateur ne pouvoir pas ſigner
a cauze de ſa foibleſſe et debillité

Calhaſſou, p(re)ſent Bousquet, p(re)ſent

Berenguier Ratier

Cuſtos, not(air)e